

MUNYATUL MUSOLLI

(Cita-Cita Orang Yang Bersembahyang)

18 PERKARA-PERKARA SUNAT YANG PATUT DIBUAT SELEPAS SEMBAHYANG

Adapun sunat yang dikerjakan kemudian daripada sembahyang, maka adalah Nabi 🛎 apabila selesai daripada sembahyang:-

1. Menyapu dengan tangannya di atas kepalanya dan dibacanya:

"Dengan nama Allah yang tiada Tuhan melainkan Dia, Maha Pemurah lagi Maha Pengasih. Ya Allah! Hilangkanlah segala kesusahan dan kedukacitaan daripadaku."

2. Kemudian membaca (10 kali) daripada sembahyang Subuh dan Maghrib:

"Tiada Tuhan melainkan Allah Yang Esa (tunggal) tiada syirik bagiNya. Dia memiliki seluruh kerajaan dan berhak segala puja dan puji. Dialah Tuhan yang menghidupkan dan Tuhan Yang Mematikan (segala sesuatu) dan Dia berkuasa atas segala sesuatu." (10 kali)

3. Dan dibaca (3 kali) kemudian daripadanya:

"Aku bermohon keampunan daripada Allah." (3 kali)

4. Kemudian dibacanya:

"Ya Allah! Engkaulah Tuhan kesejahteraan, daripadaMu jua datangnya kesejahteraan, maka hidupkanlah kami wahai Tuhan kami dengan kesejahteraan, dan masukkanlah kami ke dalam syurga negeri kesejahteraan, Maha Berkat Engkau, wahai Tuhan yang mempunyai Kebesaran dan Kemuliaan."

5. Dan dibaca pula ayat Al-Kursi:

"Allah Tiada Tuhan (yang berhak disembah) melainkan Dia, Yang Tetap Hidup, Yang Kekal selama-lamanya mentadbirkan (sekalian makhlukNya). Yang tidak mengantuk usahkan tidur. Yang memiliki segala yang ada di langit dan yang ada di bumi. Tiada siapa yang dapat memberi syafa'at (pertolongan) di sisiNya melainkan dengan izinNya. Yang Mengetahui apa yang ada di hadapan mereka dan apa yang ada di belakang mereka, sedang mereka tidak mengetahui apa yang ada di hadapan mereka dan apa yang ada di belakang mereka, sedang mereka tidak mengetahui sesuatu pun dari (kandungan) ilmu Allah melainkan apa yang Allah kehendaki (memberi kepadanya). Luasnya Kursi Allah (ilmuNya dan kekuasaanNya) meliputi langit dan bumi dan tiadalah menjadi keberatan kepada Allah menjaga serta memelihara keduanya. Dan Dialah Yang Maha Tinggi (darjat kemuliaanNya) lagi Maha Besar (kekuasaanNya)."

6. Dan ayat شَهدَ الله hingga akhirnya, (iaitu):

"Allah menyatakan bahwasanya tidak ada Tuhan melainkan dia (yang berhak disembah), yang menegakkan keadilan. para malaikat dan orang-orang yang berilmu (juga menyatakan yang demikian itu). tak ada Tuhan melainkan dia (yang berhak disembah), yang Maha Perkasa lagi Maha Bijaksana. Sesungguhnya agama (yang benar dan diredhai) di sisi Allah ialah Islam Katakanlah: "Wahai Tuhan yang mempunyai kerajaan, Engkau berikan kerajaan kepada orang yang Engkau kehendaki dan Engkau cabut kerajaan dari orang yang Engkau kehendaki. Engkau muliakan orang yang Engkau kehendaki dan Engkau hinakan orang yang Engkau kehendaki. di tangan Engkaulah segala kebajikan. Sesungguhnya Engkau Maha Kuasa atas segala sesuatu. Engkau masukkan malam ke dalam siang dan Engkau masukkan siang ke dalam malam. Engkau keluarkan yang hidup dari yang mati, dan Engkau keluarkan yang mati dari yang hidup. dan Engkau beri rezeki siapa yang Engkau kehendaki tanpa hisab (batas)."

7. Dan mengucap:

سُبْحَانَ الله، "Maha Suci Allah."

33 kali, dan "الْحَمْدُ لله، "Segala puji bagi Allah."

34 kali الله أَكْبَرُ. "Allah Maha Besar."

8. Kemudian dibacanya:

"Tiada Tuhan melainkan Allah Yang Esa (tunggal) tiada syirik bagiNya. Dia memiliki seluruh kerajaan dan berhak segala puja dan puji. Dialah Tuhan yang menghidupkan dan Tuhan Yang Mematikan (segala sesuatu) dan Dia berkuasa atas segala sesuatu."

9. Dan:

"Ya Allah! Tiada yang dapat menegah apa yang Engkau telah kurniakan, dan tiada yang dapat memberi apa yang Engkau telah tegahkan, dan tiada suatu usaha yang dapat menghalang seseorang daripada menerima habuannya daripada Engkau."

10. Kemudian dibacanya doa:

اللَّهُمَّ إِنِّي أَسْأَلُكَ مُوْجِبَاتِ رَحْمَتِكَ، وَعَزَآثِمَ مَغْفِرَتِكَ، وَالْغَنِيْمَةَ مِنْ كُلِّ بِرِّ، وَالسَّلاَمَةَ مِنْ كُلِّ إِثْمِ، وَالْفَوْزُ بِالْجَنَّةِ، وَالنَّجَاةَ مِنَ النَّارِ، اللَّهُمَّ اغْفِرْ لَنَا، وَارْحَمْنَا، وَارْضَ عَنَّا، وَتَقَبَّلْ مِنَّا، وَأَدْخِلْنَا الْجَنَّةَ، وَالنَّجْنَا مِنَ النَّارِ، وَأَصْلِحْ لَنَا شَأْلُكَ اللَّهُمَّ إِنِّي أَسْأَلُكَ النَّبَاتَ فِي الْأَمْرِ، وَالْعَزِيْمَةَ وَالرُّشْدَ، وَنَجْنَا مِنَ النَّارِ، وَأَصْلِحْ لَنَا شَأْلُكَ اللَّهُمَّ إِنِّي أَسْأَلُكَ النَّبَاتَ فِي الْأَمْرِ، وَالْعَزِيْمَةَ وَالرُّشْدَ، وَلَسُلْمُ مَا تَعْلَمُ، وَحُسْنَ عِبَادَتِكَ، وَلِسَانًا صَادِقً، وَقَلْبًا سَلِيْمًا، وَأَعُونُذُ بِكَ مِنْ شَرِّ مَا تَعْلَمُ، وَأَسْتَغْفِرُكُ مِمَّا تَعْلَمُ، إِنَّكَ أَنْتَ عَلاَمُ الْغُيُوْبِ، وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ مُنْ مَا يَعْلَمُ، وَسَلَّمَ اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ، سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلاَمٌ عَلَى الْمُرْسَلِيْنَ، وَالْحَمْدُ اللهِ رَبِ الْعَالَمِيْنَ.

"Ya Allah! Sesungguhnya aku bermohon kepadaMu perkara-perkara yang memestikan aku mendapat rahmat serta keampunanMu, faedah dalam setiap kebajikan, keselamatan daripada segala dosa, kejayaan mendapat syurga, dan kelepasan daripada neraka. Ya Allah! Ampunilah kami, kasihanilah kami, redhailah kami, terimalah segala permohonan kami, masukkanlah kami ke dalam syurga, lepaskanlah kami daripada neraka dan perbaikikan segala keadaan pada diri

kami. Ya Allah! Sesungguhnya aku bermohon kepadaMu ketetapan, keteguhan dan petunjuk dalam urusan agama dan aku bermohon kepadaMu supaya aku bersyukur terhadap nikmatMu, memperelokkan ibadat terhadapMu dan aku bermohon lidah yang sentiasa bercakap benar dan hati yang sentiasa sejahtera. Dan aku berlindung padaMu daripada kejahatan yang Engkau mengetahuinya dan aku memohon keampunanMu daripada segala dosa yang Engkau mengetahuinya. Sesungguhnya Engkau adalah Tuhan yang Maha Mengetahui segala yang ghaib. Rahmat Allah dan kesejahteraanNya ke atas penghulu kami Muhammad, ahli keluarganya dan sahabatnya. Maha Sucilah Tuhanmu, Tuhan Yang Maha Mulia, daripada apa yang disifatkan oleh mereka, serta salam sejahtera ke atas sekalian rasul dan segala puji itu bagi Allah Tuhan sekalian alam."

11. Kemudian dibaca **mu'awizatain** (معو ذتين), (iaitu):

Dengan Nama Allah Yang Maha Pemurah lagi Maha Megasihani. Katakanlah (wahai Muhammad): "Aku berlindung dengan Tuhan yang menciptakan cahaya subuh, daripada kejahatan makhluk-makhluk yang Dia ciptakan; dan daripada kejahatan malam apabila ia gelap gelita; dan daripada (ahli-ahli sihir) yang menghembus pada simpulan-simpulan ikatan; dan daripada kejahatan orang yang dengki apabila ia melakukan kedengkiannya.

Dengan Nama Allah Yang Maha Pemurah lagi Maha Mengasihani. Katakanlah (wahai Muhammad): "Aku berlindung dengan Tuhan sekalian manusia. Yang Menguasai sekalian manusia, Tuhan Yang Berhak disembah oleh sekalian manusia. Dari kejahatan pembisik penghasut yang timbul tenggelam; yang melemparkan bisikan dan hasutannya ke dalam hati manusia, dari kalanga jin dan manusia."

12. Dan dibaca kemudian daripada sembahyang Subuh dan Maghrib:

"Aku redha dengan Allah sebagai Tuhan, Islam sebagai Agama dan Muhammad sebagai Nabi."

13. Dan dibaca:

14. Dan:

"Ya Allah! Sesungguhnya aku memohon syurga dariMu."

15. Dan:

"Aku berlindung dengan kalimah-kalimah Allah yang sempurna, daripada kejahatan makhlukNya.

16. Dan:

Dengan Nama Allah, yang tidak mampu memberikan mudharat beserta namaNya oleh sesuatu pun yang ada di bumi dan di langit, dan Dialah Yang Maha Mendengar, lagi Maha Mengetahui.

17. Dan:

"Ya Allah! Engkau adalah Tuhanku, tiada Tuhan melainkan Engkau. Engkau telah menjadikan aku dan aku adalah hambaMu. Dan aku sentiasa berpegang kepada janjiMu sedaya upayaku. Aku berlindung denganMu daripada kejahatan yang aku telah lakukan. Aku kembali kepadaMu dengan nikmat yang Engkau kurniakan kepadaku, juga aku kembali kepadaMu dengan dosaku. Oleh itu ampunilah daku. Sesungguhnya tiada siapa yang dapat mengampuni dosa-dosa itu melainkan Engkau.

18. Dan demikian lagi, sayugianya diamalkan beberapa aurad ini, kerana faedahnya amat besar dan mewajibkan yang mengamalkan dia **Husnul Khotimah** (حسن الحاقة). Iaitu dibaca pada pagi kemudian daripada sembahyang Subuh dan Maghrib:

"Maha Suci Tuhan yang Maha Kekal Berdiri, Maha Suci Tuhan yang Maha Berdiri berkekalan. Maha Suci Tuhan yang Maha Hidup lagi Maha Mengurus. Maha Suci Allah yang Maha Besar berserta dengan segala kepujianNya. Maha Suci Raja yang Qudus. Maha Suci Tuhan yang menjaga para Malaikat dan Roh."

19. Demikian lagi:

'Ya Allah! Sesungguhnya aku berlindung denganMu daripada penipuan dan putar-belit seseorang."

20. Demikian lagi istighfar Al-'Arif Al-Amjad Al- Sayyid Al-Syarif 'Abdullah ibn 'Alawi Al-Haddad 'Alaihi Minallahi Tawaali Al-Amdad (الله عليه من المحلوى الحداد عليه من المحداد الشيف عبد الله بن العلوى الحداد عليه من), setengah daripada yang mewajibkan Husnul Khotimah tatkala hendak mati dibaca ba'd (بالله عبد - selepas) Maghrib 4 kali:

"Aku memohon keampunan daripada Allah yang Maha Agung, yang tiada Tuhan melainkan Dia, Maha Pemurah lagi Maha Penyayang, Maha Hidup lagi Maha Mengurus, yang tidak mati dan aku bertaubat kepadaNya. Tuhan! Ampunilah aku."

21. Dan demikian lagi barang yang dinaqal daripada 'Arif Al-Bakri اعارف البكرى berkata ia: "Barangsiapa membaca akan solat (صلاة - solawat) ini di dalam umurnya dan jikalau sekalipun dipeliharakan dia daripada api neraka dan mewajibkan bagi Husnul Khotimah", iaitu:

"Ya Allah! Limpahkanlah rahmat ke atas Nabi Muhammad, pembuka bagi sesuatu yang terkunci, penyudah segala nabi yang terdahulu, dan pembela kebenaran dengan kebenaran dan petunjuk ke jalanMu yang lurus. Rahmat Allah ke atasnya dan keluarganya dan sahabat-sahabatnya dengan kurniaan yang layak dengan kadar dan darjatnya yang agung."

http://alraufi.blogspot.com/2010/05/kitab-munyatul-musolli-al-allamah.html